



Resolución do 28 de novembro de 2016 da Dirección Xeral de Desenvolvemento Pesqueiro, pola que se convocan exames ordinarios de carácter libre para as titulacións de mariñeiro/a pescador/a, patrón/patroa local de pesca e patrón/patroa costeiro/a polivalente na Comunidade Autónoma de Galicia.

De conformidade co establecido no apartado 4, do artigo 17 da Orde do 31 de xullo de 2014, pola que se establecen as bases e se regula o procedemento para obtención das titulacións de mariñeiro/a pescador/a patrón/patroa local de pesca e patrón/patroa costeiro/a polivalente na Comunidade Autónoma de Galicia (DOG núm. 156 do 19/08/2014), a dirección xeral con competencias en materia de ensino náutico e marítimo-pesqueiro poderá convocar anualmente, nos seus centros de ensino, un exame ordinario de carácter libre para as titulacións recollidas nesta orde.

Esta dirección xeral no uso das facultades que lle confire o Decreto 168/2015, do 13 de novembro, polo que se aproba a estrutura orgánica da Consellería do Mar (DOG núm. 221 do 19/11/2015) e a disposición derradeira primeira da antedita Orde de 31 de xullo de 2014, resolve convocar os exames ordinarios de carácter libre para as titulacións de mariñeiro/a pescador/a, patrón/patroa local de pesca e patrón/patroa costeiro/a polivalente na Comunidade Autónoma de Galicia.

1. Obxecto.

O obxecto desta resolución é convocar e fixar as datas e os lugares de realización das citadas probas para a obtención das titulacións de mariñeiro/a pescador/a, patrón/patroa local de pesca e patrón/patroa costeiro/a polivalente na Comunidade Autónoma de Galicia para o ano 2017.

2. Normais xerais.

Os exames teóricos e prácticos, os contidos formativos, as condicións de acceso e a documentación necesaria para a matrícula será a establecida pola citada Orde de 31 de xullo de 2014.

Os exames teórico-prácticos realizaranos os tribunais que se constitúan de conformidade co establecido no artigo 18 da Orde de 31 de xullo de 2014.

3. Solicitudes e documentación necesaria para presentarse aos exames teórico-prácticos.

As persoas candidatas solicitarán a correspondente matrícula segundo o indicado no artigo 7, terán que cumprimentar a solicitude que figura como anexo II da Orde do 31 de xullo de 2014



(procedemento PE607C) e cumprirán as condicións de acceso establecidas no artigo 4 para as distintas titulacións.

O modelo de solicitude estará dispoñible na Guía de Procedementos e Servizos en <https://sede.xunta.gal/guia-de-procedementos-e-servizos>.

A solicitude normalizada estará acompañada da seguinte documentación:

- a) Copia do título profesional ou, de ser o caso, copia da folla do caderno marítimo onde se acredite estar en posesión do dito título.
- b) Certificado de formación mínima de estudos ou, de ser o caso, declaración responsable de ter coñecementos básicos de lecto-escritura segundo o cadro que figura no propio anexo.
- c) Declaración responsable de posuír aptitude física para realizar unha proba de natación previa á realización do exame de coñecementos teórico-prácticos de mariñeiro/a pescador/a, segundo o cadro que figura no anexo.
- d) Xustificante do aboamento das taxas que outorgan o dereito ao exame que é de 17,87 € segundo o establecido na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia (BOE núm. 12, do 14 de xaneiro de 2004) e na Lei 12/2015, do 24 de decembro, de orzamentos xerais da Comunidade Autónoma de Galicia para o ano 2016 (DOG núm. 249, do 31/12/2015).

As solicitudes deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.gal>, de acordo co establecido nos artigos 27 da Lei 11/2007, do 22 de xuño, de acceso dos cidadáns aos servizos públicos, e 24 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes. Para a presentación das solicitudes será necesario o documento nacional de identidade electrónico ou calquera dos certificados electrónicos recoñecidos pola sede da Xunta de Galicia.

A solicitude tamén poderá presentarse en soporte papel por calquera dos medios establecidos no artigo 16.4 da Lei 39/2015, do 01 de outubro, do procedemento administrativo común das Administracións Públicas utilizando o formulario normalizado dispoñible na sede electrónica da Xunta de Galicia, <https://sede.xunta.gal>

Así mesmo, as solicitudes poderán presentarse directamente nos centros oficiais de ensino pesqueiro onde se examinen os/as aspirantes.



Para realizar a matrícula nos centros oficiais de ensino dependentes da dirección xeral con competencias en materia de ensino náutico e marítimo-pesqueiro, as persoas interesadas informaranse nas secretarías destes.

Unha vez finalizado o prazo de solicitude de inscrición para presentarse os exames ordinarios de carácter libre para as titulacións obxecto desta resolución, farase pública a listaxe provisional das persoas admitidas e excluídas no portal web de formación da Consellería do Mar http://www.mar.xunta.gal/mar/investigacion_e_formacion/formacion e nos taboleiros de anuncios de cada centro oficial de ensino pesqueiro, dando un prazo de 10 días hábiles para que os/as aspirantes excluídos/as poidan emendar as deficiencias, de acordo co disposto no artigo 68.1 da Lei 39/2015, do 01 de outubro, do procedemento administrativo común das Administracións Públicas.

4. Aspirantes excluídos/as e emenda das solicitudes.

Os/as aspirantes que non procedan a realizar as emendas no prazo indicado no apartado anterior implicará a perda da taxa e o dereito a realizar o exame. O feito de figurar na relación da listaxe provisional non prexulga que se lle recoñeza á persoa interesada a posesión dos requisitos esixidos no procedemento regulado nesta sección. Cando da documentación que deba presentarse se desprenda que non posúa algúns dos requisitos, a persoa interesada decaerá de todos os dereitos que poidan derivar da súa participación no procedemento.

As listaxes definitivas das persoas admitidas e excluídas se publicarán no portal web de formación da Consellería do Mar e nos taboleiros de anuncios de cada centro oficial de ensino pesqueiro.

5. Os exames teóricos e prácticos realizaranse nos seguintes centros de ensino pesqueiro:

- Instituto Politécnico Marítimo-Pesqueiro do Atlántico de Vigo (avenida Beiramar 55, 36202 Vigo. Teléf.: 886 110825/886 110826).
- Escola Oficial Náutico-Pesqueira de Ferrol (rúa 19 de Febreiro 30-34, 15405 Ferrol. Teléf.: 881 938212/881 938213).
- Escola Oficial Náutico-Pesqueira de Ribeira (rúa dos Estudantes 7, 15960 Ribeira. Teléf.: 881 866317/881 866324).

De non acadarse un mínimo de 15 aspirantes para a realización das probas libres nun dos centros de ensino se desprazarán a outro centro de ensino.

Os prazos da matrícula e as datas dos exames teóricos e prácticos aparecen no anexo I desta resolución. As horas dos exames serán anunciadas no portal web de formación da Consellería do Mar e no taboleiro de anuncios de cada centro de ensino.



6. Desenvolvemento das probas.

Rematados os exames, o/a secretario/a do tribunal publicará no portal web de formación da Consellería do Mar e nos taboleiros de anuncios dos centros correspondentes unha copia do exame e a folia coas respostas correctas, cando sexan tipo test, co fin de que as persoas interesadas poidan comprobar o resultado do seu exercicio.

7. Resolucións e recursos.

Segundo o artigo 20 da orde de 31 do xullo de 2014, unha vez corrixidos os exames, o tribunal fará públicas as listas provisionais das cualificacións no portal web de formación da Consellería do Mar e no taboleiro de anuncios do centro correspondente.

As persoas interesadas disporán dun prazo de 10 días hábiles para formular reclamacións contra as cualificacións provisionais. As reclamacións irán dirixidas ao tribunal.

Unha vez resoltas as reclamacións presentadas, o/a presidente/a do tribunal ditará unha resolución coa lista dos/as aspirantes que superaron as probas. Estas resolucións serán publicadas no portal web de formación da Consellería do Mar e no taboleiro de anuncios do centro correspondente.


Contra as resolucións do/a presidente/a do tribunal os/as interesados/as poderán interpor recurso de alzada perante a directora xeral de Desenvolvemento Pesqueiro, no prazo dun mes, contado desde o día seguinte ao da publicación da listaxe definitiva coas cualificacións obtidas polos/as aspirantes.

8. Obtención do título.

Unha vez superadas as probas para obter o título de mariñeiro/a pescador/a, patrón/patroa local de pesca e patrón/patroa costeiro/a polivalente, deberán reunir os requisitos establecidos no Real Decreto 36/2014, do 24 de xaneiro polo que se regulan os títulos profesionais de sector pesqueiro (BOE núm. 41 do 17/02/2014).

Santiago de Compostela, 28 de novembro de 2016

A directora xeral de Desenvolvemento Pesqueiro



Susana Rodríguez Carballo



ANEXO I

TITULACIÓNS	DATAS MATRÍCULA	DATAS EXAMES	LUGAR DOS EXAMES
Mariñeiro/a pescador/a	30 de xaneiro ao 20 febreiro de 2017	23 de marzo de 2017	Instituto Politécnico Marítimo-Pesqueiro do Atlántico de Vigo Escola Oficial Náutico-Pesqueira de Ferrol Escola Oficial Náutico-Pesqueira de Ribeira
Patrón/a local de pesca-sección máquinas	30 de xaneiro ao 20 febreiro de 2017	27 marzo de 2017	Instituto Politécnico Marítimo-Pesqueiro do Atlántico de Vigo Escola Oficial Náutico-Pesqueira de Ferrol
Patrón/a local de pesca-sección ponte e común	30 de xaneiro ao 20 febreiro de 2017	28 marzo de 2017	Escola Oficial Náutico-Pesqueira de Ribeira
Patrón/a costeiro/a polivalente-sección máquinas	30 de xaneiro ao 20 febreiro de 2017	29 marzo de 2017	Instituto Politécnico Marítimo-Pesqueiro do Atlántico de Vigo Escola Oficial Náutico-Pesqueira de Ferrol
Patrón/a costeiro/a polivalente-sección ponte	30 de xaneiro ao 20 febreiro de 2017	30 marzo de 2017	Escola Oficial Náutico-Pesqueira de Ribeira

Os criterios de corrección dos exames de cada titulación están establecidos nos anexos III, IV e V da Orde do 31 de xullo de 2014